

A N N A N D I A.

Spedlingii, Montisrupia, Muscella, Vallistermini, Cumlingana, Castrolacteum, Hoddenopetrum, Neobæum, Calodendria, vulgo Bonshal, Clivokephalæ, Stapletonum, Fanum Conelli, vel potius Donaldi, Eicovodia, Gillo Roberti, Fanum Patricii, Cello-Kephala, Blaetevodia. Urbesque habet Annandum, & Mabanum arce lacuque amœnum : Arx à Thoma Randello summo Seoticarum rerum Præfecto condita, præfecti limitis perpetuum mansit domicilium. Lacus vero insignis est ob pisces ignotos, qui nusquam gentium, nisi in Mabano, inve-

niuntur, atque Vandefii vel Gevandefii incolis dicuntur; non procul Mabano septem alii sunt Lacus.

In ripis Riveniis è regione Angliæ occando, coacervando, atque arenam aqua decoquendo, salem optimum conficiunt: quodque & usu & labore jucundum est, limitis accolæ in Solvæi fyrtibus Salmonum adventum expectant, atque cum eos fluvium ascendentes observaverint, citatis equis amnem intrant, hastisque tridenti ferro armatis facile figunt extrahuntque.

